

QVÆSTIO MEDICA.

Quodlibetariis disputationibus manè discutienda in Scholis Medicorum, die Jovis 18. Decembris.

M. NICOLAO RAINSSANT, Doctore Medico, Præfide.

An Sterilitati, Aqua Nitro-ferrate potus?

PRÆCIPITI fato cadunt mortalia, felici casu reparantur eadem, suæque in sobole quodammodo reviviscunt, perennis juxta ac providentis Naturæ beneficio. Hinc innata generandi libido, quam bruta certis persentiunt temporibus, vere maximè, cum vena novo turget sanguine: Solus homo omni tempore blandiori conjugis delectatur consortio (hæc Venus mutua finxit solatia) non semper tamen sequitur gratæ voluptatis expectata merces. Sterilis enim ut arbor floribus amœnis & pulchrâ subridens fronde vacuum non raro delulit colonum: ita sæpiculè contigit, fugacem frigente sinu venerem oculocuisse: fœcundamque credideris maritam, cujus exta larvato immutata morbo generis spem adimunt, quæ subindè tamen redit aliquandò, externâque revocatur ope, seu conceptûs impedimenta removeris, seu requisitam habitudinem conciliaveris. Vis ergò præclusa sterilitate viscera ad conceptum relaxari, sopitum exfusa uteri fermentum, arctiores fibras emolliendo relaxa, laxiores constringe, putris humoris tetram illuviem expurga, si plus æquo fervercat uterus, temperandus ardor, si frigeat, accendendus calor. Denique vel menses sine lege fluentes sistendo, vel accelerando lentiores, conceptum utique adjuvabis.

HOMINIS primordia qui repetit ab Ovo, joci magis est quam veritatis amans: nempe lepida foret ejusmodi incubatio: apage ergò muliebrium Ovorum scrutatores: servus expendendum, quæ nostra sit origo, & quam mira efficiat feminis utriusque permixti vivida vis. Liquor ille niveus ab arterioli sanguinis sulphurea maximè saluginosaque parte deciduus, ubi ad testes usque per mille meandros faciem sibi viam fecit, loci impatiens petulantiter erumpit saltu, atque inter jucunda naturæ vireta refunditur. Nec putes, quæ quorundam observatio fuit, non alioqui diligentissima, semen intra membranarum interiorum poros absorberi, aut foras idem sensim disfluere. Non prius enim in uteri cavitate fibrarum ope undequeque contracti exceptum est, quam spiritus ejusdem visificus blando calore fatus, uterino etiam adjuncto fermento nec depresso nimis nec nimis elato, primam corporis fabricam aggreditur. Tum verò cerneret, quæ totius est formationis nidimentum, alia paulo quidem crassiores circumfusæ, exteriores efformant membranas. Illo sanè apparatu nihil mirabilius, ac nihil arduum magis ut vel à re minima impediatur opus. Sit licet hymæneo aptum seminium, impuris tamen commixtum uteri fucis corrumpetur facili: obruetur nimio sanguinis affluxu: præfidiore æstu torrebatur, vicio tandem fibrarum vel ostii constrictione ipsi denegabitur aditus, vel oris labri laxitate nimia mox eliminabitur.

SOLE & homine homo, sole & sale generantur mineralia. Atque ut idem uterus muliebris, sexu, temperamento, magnitudine, figurâ diversos alit paritque homines, sic terræ penetralibus (mineralium metallo-rumque utero) abscondita latent argentum, ferrum, nitrum atque alia hujuscemodi: quæ quidem speciei diversæ ac naturæ sunt ex mutuo varioque salis omnigeni, aliorumque principiorum congressu, præter certum in terræ viscera solis influxum, quem primariam agnoscunt sui causam. A tali mineralium discrepantia, quæ in locis emicant aquæ, varias trahunt vires, variaque sortiuntur nomina: aliis enim terra præstat quidquid valent, vim suam depromunt quædam à succis congelatis, illæ metallis, simul & metallis debent quidquid virtutis habent. Earum omnium unaquæque dotes eximias obtinet, à nonnullis equidem parvifaciendas, vel quod ipsas ignorent, vel quod parandi difficultate non sint pretiosum medicamentum, aut hominum opinione carum, harum tamen Lympharum, Nitro-ferratarum maximè jam passim scaturientium usus magno fuit plenique commodo. Testes sunt Nitro-sulphureæ Borbonenses aquæ, testes Nitro-ferrate sed vitrioli participes Spadenses fontes quatuor, testes itidem Nitro-ferrate Dinanenses Aremorice, quarum omnium quotidiana in sanando prodigia, ad veterum aquarum prope accedunt. Ecquis vero assidue his in aquis suam non inveniat medicinam? Illuc eant femina quibus Lucina noverca prolem negavit, ibi sanè vindicabuntur à diis apud antiquos adeo probrosâ, ut sæpius ancillam concederet nupta marito: ibi earum viscera prudentis consideratque medici arbitrio ritè apparatæ expeditur infarctibus, uteri colluvies expurgabitur, non fluentes menses, quorum periodicus motus, non à Lunæ imperio, minis à Plethorâ, quasi pollinimò revocatur vasa, cæteraque conceptui minis benè accommodata ritè componenter.

AQUARUM mineralium vires qui à formâ quâdam substantiali deducit, is à veritate aberrat magis, quam qui principiorum combinationi, motui, figuræ easdem ascribit: quâ proinde incidendi, aperiendique virtute ferrum ac nitrum pollent, eam sui salis aculeis debent. Hujus porrò compages tota ex spiritibus acidis, terzæ sales penetrantibus, illius ex salis vitriolici, sulphuris, terræque imperfectæ unione constat: at verò, ut aquæ vim suam cathartica impertiunt medicamenta, quæ quidem nec electione, nec substantiæ similitudine, sed irritatione pravo è corpore succos educunt, sic quam sibi vendicant agendi virtutem ferrum & nitrum, eandem aquæ in quâ sal eorum fufum est, ultrò elargiuntur, quâ præcipuâ dote cæteris aquarum simplicium longe antecellunt, earum licet alveus arenosus ad orientem placidè decurrat, aut ipse procelloso Cælo & tonante Jove pluat: Hæ nempe, etsi humectent, vasa difficillimè aut lento pede subeunt, nec valent quicquam protrudere è corpore, quin immò si liberalibus epotentur, ventrem in tumorem attollunt, visceraque vix superandis obstructionibus coangustant. At non satis laudandæ, si in transcurso ferri minerarum aut nitrum lingant, quorum salis, in aquâ spontè fusilis, opè, tanta earum est in permeando celeritas ac virtus, ut & vix epotæ statim ferè mingantur & brevissimâ morâ omnes corporis partes pervadendo suis liberent impedimentis. Itâ etiam fiet, ut ærescens uterus temperetur, sopiti excitentur ignes, tarda ciantur catamenia, & sordes in angi portu uteri stagnantes certis in posterum temporibus excernant. Nam salibus illis fermenti æmulis occlusa referantur vasa, densaque rarefit moles. Quid multa? Hinc purior circuiturus sanguis faciem colore elegantî suffundet, oculos vividiori accendit lumine, tutumque liberabit corpus ab innumeris quæ extincta pœnè fœcunditas infert symptomatis, ipsam demum anhelosam animam pristinâ serenitate recreabit.

AQUIS nitro imprægnatis virtutem præ cæteris inesse faciendam adeo certum est ut hæc maximè de causâ aqua Nilotica fertili exuberans nitro potentium mulierum viscera ab infelici liberet sterilitate, & viridem naturæ effectus ferè quivis reconditissimi, fertilitas imprimis, dependent. Nonnè etenim qui mari adiaceat agri, præ reliquis uberiori grataque luxuriant segete? Nonne Elifæus jericonis fontem sale fœcundavit? cur ergò Nitro-ferrate aquæ hæc carebunt prærogativâ, cum vis earum tota à Nitri-fertique sale, quâ facillimè imprægnantur: quod quidem sal five humorem expurget noxium, five laudabilem necessariumque nullum fluentem arceat succum, non minori tamen fecundandi virtute gaudebit. Non unica quippè, imo plures ac sæpius oppositæ sunt sterilitatis causæ, quas, ullâ vix exceptâ, sal tollit variâ videlicet agendi ratione: ad hoc intelligas non esse sal naturæ ubique homogeneæ, quin esse sæpius à se ipso dispar tum motu, tum figurâ, in quibus summa ejus differentia. Aliquandò etenim materia ipsa quam subit figuram ipsius immutat, aliquandò etiam motum interturbat rei alterius permixtio. Ne mireis ergò, si modò concitatis refragent, segnius pigritusque modò excitent sanguinis menstrui effluviu Lymphæ Mineralis, si aliâ aridam partem blandò perfundant rore, præhumiorem aliâ exsiccent firmantque, diversæ quippè partium dispositionis ratione, diversi quoque & oppositi eduntur effectus. Tutius igitur rem suam gerent mulieres infœcundæ, si repurgato ritèque apparato corpore has aquas epotaverint, quarum efficacia singulari uteri intemperies debetur, partes generationi infœcundæ suis liberabuntur obstructionibus, & ipsæ post celebratum cum succi pleno marito hymæneum, illinc sinu gravido mirè recreatæ recedent.

Ergo Sterilitati Aquæ Nitro-ferrate potus.

Domini Doctores disputaturi.

M. Matthæus Thuillier.
M. Joannes Baptista Ferrand.
M. Carolus Marteau.

M. Antonius le Moine.
M. Guydo-Crescentius Fagon, Francorum Regine Medicus primarius.
M. Jacobus de Bourges.

M. Joannes Armandus de Mauvilain.
M. Bertinus Dieuxvoeye.
M. Stephanus Bachot.



Asserebat Parisiis RODOLPHUS ORÈN, Dinanensis Aremoricus, Baccalaureus Medicus. A. R. S. H. 1681.